

釋

名

釋名八卷

四部叢刊經部

上海涵芬樓借江南
圖書館藏明嘉靖翻
宋本景印魚書板心
高營造尺七十寬四
寸八分半

上海涵芬樓借江南
圖書館藏明嘉靖翻
宋本景印魚書板心
高營造尺七十寬四
寸八分半

釋名序

劉熙字成國撰

熙以爲自古造化制器立象有物以來迄于近代或
典禮所制或出自民庶名號雅俗各方名殊聖人於
時就而弗改以成其器著於既往哲夫巧士以爲之
名故興於其用而不易其舊所以崇易簡省事功也
夫名之於實各有義類百姓日稱而不知其所以之
意故撰天地陰陽四時邦國都鄙車服喪紀下及民
庶應用之器論叙指歸謂之釋名凡二十七篇至於
事類未能究備凡所不載亦欲智者以類求之博物

君子其於答難鮮惑王父幼孫朝夕侍問以塞可謂之士聊可省諸

右釋名八卷館閣書目云漢徵士北海
劉熙字成國撰推揆事源釋名號致意
精微崇文總目云熙即物名以釋義凡
二十七目臨安府陳道人書籍鋪刊行

刻釋名序



釋名者小學文字之書也古者文字之書有三焉一體制謂點畫有縱橫曲直之殊若說文字原之類是也二訓詁謂稱謂有古今雜俗之異若爾雅釋名之類是也三音韻謂呼吸有清濁高下之不同若沈約四聲譜及西域反切之文是也三者雖各自名家要之皆小學之書也夫自六經出而爾雅作爾雅作而釋名著是故漢藝文志以爾雅附孝經而經籍志以附論語蓋崇之也漢劉熙所著釋名翼雅者也宜與雅並傳爾雅故有鏤本而釋名久無傳者余按全

晉偶得是書於李僉憲川甫川甫得諸蔡中丞石岡
石岡得諸濟南周君秀因託呂太史仲木校正付太
原黃守刊布焉然則翼雅之書詎止於是乎郭璞有
圖沈璇有注孫炎有音江瑾有贊邢昺有正義張揖
有廣雅曹憲有博雅孔鮒有小爾雅劉伯莊有續爾
雅楊惟方有方言劉霽有釋俗語盧辨有稱謂沈約有
俗說張顯有古今訓韋昭有辨釋名凡讀爾雅者皆
當參覽其可以小學之書而忽之哉

嘉靖甲申冬十二月既望谷泉諸良材邦掄父撰

重刊釋名後序

漢徵士北海劉熙著釋名二十七篇蓋爾雅之緒也
昔者周公申彛倫之道乃制作儀周二禮雅南函頌
四時皆發揮於陰陽象器山河草木以及蟲魚鳥獸
之物義雖裁諸已文多博諸古恐來世之不解也其
徒作爾雅以訓焉魯哀公欲學小辯以觀政孔子曰
觀爾雅以辯言釋名者亦辯言之意乎今夫學者將
以爲道也欲爲道而不知義則於道不樂進欲知義
而不辯言則於義不可精欲辯言而不正名則於言
不能審是故洒掃應對道德性命其致一也夫音以

九土而異聲以十世而殊山人以爲勤藺藿茗者國
人以爲薺蒜韭蔥者也古人以爲基丞介乎者今人
以爲始君大至者也故名猶明也釋猶譯也鮮也譯
而明之以從義而入道也是書南宋時刻於臨安尋
燬不傳今侍御谷泉諸公邦掄得之於嵩山僉憲李
公李公得之於中丞石岡蔡公乃命梅校正付絳州
守程君鴻刊布焉其意遐乎但爾雅先詁言訓親而
後動植近取諸身斯遠取諸物也釋名以天地山水
爲先則瀕乎玩物矣故魏張揖采蒼雅作廣雅辭類
雖衍猶爲存爾雅之舊乎

嘉靖三年冬十月乙卯高陵呂柟序

釋名今無刊本茲所校者又專本無副
正過亦八十餘字皆以意揆諸義者故
義若可告即爲定改求而不得仍存其
舊序中可謂二字釋國篇譚首之譚一
字釋姿容篇邊自二字釋言篇說日二
字操功之功一字曾疑爲切字曜畱之
曜一字釋疾篇正一二字凡十一字皆
闕未改俟有他本及知釋名者柟又識

釋名目錄

卷第一

釋天

釋地

釋山

釋水

釋丘

釋道

卷第二

釋州國

釋形體

卷第三

釋姿容

釋長幼

釋親屬

卷第四

釋言語

釋飲食

釋絲帛

釋首飾

卷第五

釋衣服

釋宮室

卷第六

釋牀帳

釋書契

釋典藝

卷第七

釋用器

釋樂器

釋兵

釋車

釋船

卷第八

釋疾病

釋喪制

釋名卷第一



劉熙字成國撰



釋天第一

釋地第二

釋山第三

釋水第四



釋丘第五

釋道第六

釋天第一

天豫司充冀以舌腹言之天顯也在上高顯也青徐以舌頭言之天垣也垣然高而遠也春曰蒼天陽氣始發色蒼蒼也夏曰昊天其氣布散皓皓也秋曰旻天旻閔也物就枯落可閔傷也冬曰上天其氣上騰

與地絕也故月令曰天氣上騰地氣下降易謂之乾
乾健也健行不息也又謂之玄玄懸也如懸物在上
也 日實也光明盛實也 月缺也滿則缺也 光
晃也晃晃然也亦言廣也所照廣遠也 景境也明
所照處有境限也 晷規也如規畫也 曜耀也光
明照耀也 星散也列位布散也 宿宿也星各止
宿其處也 氣餽也餽然有聲而無形也 風兌豫
司冀橫口合脣言之風汜也其氣溥汜而動物也青
徐言風蹠口開脣推氣言之風放也氣放散也 陰
陰也氣在內奧陰也 陽揚也氣在外發揚也 寒

捍也捍格也 暑煮也熱如煮物也 熱爇也如火

所燒爇也 雨羽也如鳥羽動則散也 春蠶也動

而生也 夏假也寬假萬物使生長也 秋緇也緇

迫品物使時成也 冬終也物終成也 四時四方

各一時時期也物之生死各應節期而止也 年進

也進而前也 歲越也越故限也唐虞曰載載生物

也殷曰祀祀已也新氣升故氣已也 五行者五氣

也於其方各施行也 金禁也其氣剛嚴能禁制也

木冒也華葉自覆冒也 水準也準平物也 火

化也消化物也亦言毀也物入中皆毀壞也 土吐